



UNIVERZITET U SARAJEVU  
FARMACEUTSKI FAKULTET

Zmaja od Bosne 8  
71000 Sarajevo

+387 33 586 180  
ffsa.unsa.ba

farmaceutski.fakultet@ffsa.unsa.ba

Broj: *0101-2305/26*  
Sarajevo, 24.04.2026.

**POSLOVNIK O RADU KOMISIJE ZA IZBOR U AKADEMSKO ZVANJE VANREDNI/A  
PROFESOR/ICA**

Sarajevo, april 2026. godine



Na osnovu člana 123. stav (8) Zakona o visokom obrazovanju („Službene novine Kantona Sarajevo" broj 36/22 i 28/25) i člana 256. stav 1. Statuta Univerziteta u Sarajevu, a po osnovu Konkursa za izbor akademskog osoblja u akademsko zvanje Vanredni/a profesor/ica na nastavnim predmetima „Organska hemija I“ i „Organska hemija II“ na Univerzitetu u Sarajevu – Farmaceutskom fakultetu, Katedra za hemiju u farmaciji - 1 izvršilac, na određeno radno vrijeme, sa punim radnim vremenom, objavljenog dana 01.04.2026. godine, i Odluke Vijeća Fakulteta o imenovanju Komisije za pripremanje prijedloga za izbor nastavnika u zvanje vanrednog profesora na nastavnim predmetima „Organska hemija I“ i „Organska hemija II“ na Univerzitetu u Sarajevu – Farmaceutskom fakultetu, Katedra za hemiju u farmaciji - 1 izvršilac sa punim radnim vremenom br. 0101-2245/26 od 22.04.2026. godine, Komisija na konstituirajućoj sjednici održanoj 24.04.2026. godine donosi

## **POSLOVNIK O RADU KOMISIJE ZA PRIPREMANJE PRIJEDLOGA ZA IZBOR U AKADEMSKO ZVANJE VANREDNI/A PROFESOR/ICA**

### **I - OPĆE ODREDBE**

#### **Član 1. (Predmet Poslovnika)**

Ovim Poslovníkom se bliže uređuju nadležnosti, način rada kao i druga pitanja od značaja za rad Komisije za provođenje Konkursa za izbor akademskog osoblja u akademsko zvanje (u daljem tekstu Komisija): Vanredni/a profesor/ica na nastavnim predmetima „Organska hemija I“ i „Organska hemija II“ na Univerzitetu u Sarajevu – Farmaceutskom fakultetu (u daljem tekstu Fakultet), Katedra za hemiju u farmaciji- 1 izvršilac, na određeno radno vrijeme, sa punim radnim vremenom, objavljenog 01.04.2026. godine.

#### **Član 2. (Načela)**

Rad Komisije se zasniva na načelima nezavisnosti, nepristrasnosti, javnosti i zakonitosti.



### **Član 3. (Propisi)**

Komisija provodi proceduru izbora u akademska zvanja u skladu sa Zakonom o visokom obrazovanju Kantona Sarajevo ("Službene novine Kantona Sarajevo" broj 33/17, 36/22 i 28/25), Statutom Univerziteta u Sarajevu, Konkursom za izbor akademskog osoblja u akademsko zvanje Vanredni/a profesor/ica na nastavnim predmetima „Organska hemija I“ i „Organska hemija II“ na Univerzitetu u Sarajevu – Farmaceutskom fakultetu, Katedra za hemiju u farmaciji - 1 izvršilac, na određeno radno vrijeme, sa punim radnim vremenom, objavljenog dana 01.04.2026. godine, i Odlukom Vijeća Fakulteta o imenovanju Komisije za pripremanje prijedloga za izbor nastavnika u zvanje vanrednog/e profesora/ice na nastavnim predmetima „Organska hemija I“ i „Organska hemija II“ na Univerzitetu u Sarajevu – Farmaceutskom fakultetu, Katedra za hemiju u farmaciji - 1 izvršilac sa punim radnim vremenom br. 0101-2245/26 od 22.04.2026. godine.

## **II - NADLEŽNOSTI I NAČIN RADA KOMISIJE**

### **Član 4. (Uloga stručne službe/sekretara Fakulteta)**

- (1) Nakon usvajanja Odluke o imenovanju članova Komisije za pripremanje prijedloga za izbor na sjednici Vijeća Fakulteta održanoj 22.04.2026. godine, stručna služba/sekretar Fakulteta predsjednici Komisije dostavlja Potvrdu o blagovremenosti pristiglih prijava na konkurs zajedno sa kompletnom konkursnom dokumentacijom.
- (2) Stručna služba/sekretar Fakulteta prisustvuje konstituirajućoj sjednici Komisije i otvaranju pristiglih prijava, te konstatira njihovu potpunost (urednost) u skladu sa konkursom, o čemu izdaje odgovarajuću potvrdu koja čini sastavni dio izvještaja Komisije.

### **Član 5. (Nadležnosti Komisije)**

- (1) Komisija iz člana 1. ovog Poslovnika, obavezna je da po primitku pristiglih prijava i dokumentacije:
  - a) pregleda sve pristigle prijave;
  - b) utvrdi ispravnost pristiglih prijava i dostavljenih dokaza;
  - c) u skladu sa članom 236. Statuta Univerziteta u Sarajevu, u roku od 30 dana od dana imenovanja, sačini i putem Protokola Fakulteta dostavi Izvještaj sa prijedlogom za izbor na usvajanje Vijeću Fakulteta.



#### **Član 6.**

Komisija će održavati sastanke na Univerzitetu u Sarajevu-Farmaceutskom fakultetu. Konkursnu dokumentaciju će otvoriti predsjednica Komisije o čemu će članovi Komisije donijeti odluku na konstituirajućoj sjednici.

#### **Član 7. (Način rada Komisije)**

- (1) Na prvoj sjednici Komisija je obavezna usvojiti Poslovnik o radu koji će urediti način rada i odlučivanja u skladu sa obavezama iz člana 256. Statuta Univerziteta u Sarajevu.
- (2) Komisija je u svom radu nezavisna.
- (3) Komisija zasjeda u punom sastavu prilikom provođenja konkursne procedure.
- (4) Komisija donosi odluku većinom glasova.
- (5) Član Komisije koji se ne slaže sa većinski donesenom odlukom može napisati izdvojeno mišljenje, ali ono ne može uticati na donesenu odluku.

#### **Član 8. (Vođenje zapisnika)**

- (1) O toku sjednice Komisije vodi se zapisnik.
- (2) Zapisnik sadrži datum, mjesto, način i vrijeme održavanja sjednice, osnovne podatke o toku sjednice, sažeto izlaganje, prijedloge i konstatacije, zaključke te prijedlog odluke Komisije.

### **III - PRIJELAZNE I ZAVRŠNE ODREDBE**

#### **Član 9. (Izmjene i dopune Poslovnika)**

Izmjene i dopune ovog Poslovnika vrše se na način i u postupku propisanom za njegovo donošenje.

#### **Član 10. (Stupanje na snagu)**

Ovaj Poslovnik stupa na snagu danom donošenja i objavit će se na web stranici Univerziteta u Sarajevu - Farmaceutskog fakulteta.



ČLANOVI KOMISIJE:

1. **Dr. sci. Hurija Džudžević-Čančar**, doktorica hemijskih nauka, redovna profesorica na nastavnim predmetima „Organska hemija I“ i „Organska hemija II“, na Univerzitetu u Sarajevu–Farmaceutskom fakultetu, **predsjednica Komisije**

  
\_\_\_\_\_

2. **Dr. sci. Mirsada Salihović**, doktorica hemijskih nauka, redovna profesorica na nastavnim predmetima „Organska hemija I“ i „Organska hemija II“, na Univerzitetu u Sarajevu–Farmaceutskom fakultetu, **članica Komisije**

  
\_\_\_\_\_

3. **Dr. sci. Ismet Tahirović**, doktor hemijskih nauka, redovni profesor za oblasti Organska hemija i Biohemija, na Univerzitetu u Sarajevu- Prirodno-matematičkom fakultetu, **član Komisije**

  
\_\_\_\_\_